

Na osnovu Odluke Turističkog vijeća Turističke zajednice Tuzlanskog kantona *br: 02-531-2/19* o realizaciji programskih ciljeva podrške podizanju kvalitete turističke ponude, sadržanih u Planu i programu rada Turističke zajednice Tuzlanskog kantona za 2019/20 godinu, temeljeno članom 3, članom 25 i članom 44 Zakona o turističkim zajednicama ( Službene novine Tuzlanskog kantona broj 11 od 07.10.2015 godine ) članom 3, 7 i 27 Statuta Turističke zajednice Tuzlanskog kantona , Voditelj Turističkog ureda Turističke zajednice Tuzlanskog kantona raspisuje

## JAVNI POZIV

### **za podnošenje zahtjeva za dodjelu bespovratnih sredstava temeljem Programa podizanja kvalitete turističke ponude Tuzlanskog kantona za 2019/20 godinu**

#### I.

Predmet Javnog poziva je dodjela bespovratnih novčanih sredstava Turističke zajednice Tuzlanskog kantona za projekte koji imaju uticaj na podizanje kvalitete turističke ponude na području Tuzlanskog kantona, sadržano u Planu i programu rada i Finansijskom planu Turističke zajednice Tuzlanskog kantona – Odjeljak Rashodi ; Stav IV Ulaganje za unapređenje turizma, tačka 4. Podrška projektima / Javni pozivi.

#### II.

#### **NAZIV PROGRAMA:**

#### **1. Sufinansiranje projekata za unapređenje turističke infrastrukture u cilju povećanja konkurentnosti u sektoru turizma i ugostiteljstva i produžetka turističke sezone u iznosu od 20.000 KM.**

**SVRHA PROGRAMA:** Unapređenje i podizanje nivoa turističkih usluga u cilju povećanja konkurentnosti u sektoru turizma i produžetak turističke sezone, te zadržavanje turista duže od dva dana, radi ostvarivanja većih prihoda od turističko-ugostiteljske djelatnosti.

#### **KRITERIJI ZA RASPODJELU SREDSTAVA:**

- Jasno definisan projekat, sa opisom projekta, aktivnostima koje će se provoditi, očekivanim rezultatima, finansijskom konstrukcijom ;
- Stepen samofinansiranja (vlastito učešće %);
- Stepen sufinansiranja (sredstva iz drugih izvora %);
- Broj trenutno zaposlenih (podkriterij: broj zaposlenih mladih, broj zaposlenih žena);

### KORISNICI SREDSTAVA:

Sredstva su namijenjena pravnim i fizičkim licima registrovanim za turističku i ugostiteljsku djelatnost na području Tuzlanskog kantona.

#### **Aktivnosti koje će se finansirati:**

- Uređenje i opremanje postojećih i izgradnja novih turističkih (zabavnih i tematskih) cjelina, staza, turističkih puteva i ruta, igrališta i dr. koji prema sadržaju, temi i atraktivnosti, doprinose konkurentnosti destinacija i produžetku turističke sezone uz uslov dostave projektne dokumentacije;
- Dodatni sadržaj za turista, boravak mladih, porodica sa djecom;
- Zimske i ljetne bašte, klizališta, balon hale;

### NAZIV PROGRAMA:

**2. Sufinansiranje programa Izrade i realizacije projekata/programa koji će obezbijediti dovođenje turista na područje Tuzlanskog kantona, objedinjavanje ukupne turističke ponude i unapređenje turističkog imidža Tuzlanskog kantona u ukupnom iznosu od 10.000, 00 KM**

### SVRHA PROGRAMA:

Promocija kulturno-historijskog naslijeđa i prirodnih resursa Tuzlanskog kantona, sve sa ciljem povećanja broja turista na području Tuzlanskog kantona i zapošljavanja u turizmu.

### KORISNICI SREDSTAVA:

Sredstva su namijenjena putničkim agencijama i posrednicima koji dovode turiste u Tuzlanski kanton ( udruženja građana, planinarska društva, lovačke organizacije, sportske organizacije idr.).

### KRITERIJI ZA RASPODJELU SREDSTAVA:

- Jasno definisani program projekta, sa opisom projekta, aktivnostima koje će se provoditi, očekivanim rezultatima, finansijskom konstrukcijom (finansijski plan);
- Stepenn samofinansiranja (vlastito učešće %);
- Potpisani ugovori/protokoli o dovođenju turista u 2019. godini;
- Potvrda turističko-ugostiteljskih objekata ( hotela, motela i dr ) o broju dovedenih turista od 2016 do 2019 godine;

#### **Aktivnosti koje će se finansirati:**

- Učešće na turističkim sajmovima, manifestacijama i akcijama u zemlji i inostranstvu kao i uređenje i opremanje štandova/prostora za promociju, izrada promotivnih materijala i dr promotivnih alata

## NAZIV PROGRAMA:

### 3. Sufinansiranje Programa podrške u organizaciji značajnih turističkih, kulturno-sportskih i drugih manifestacija, podrške medijima u smislu promocije i izrade promotivnog materijala ( video, foto i dr. produkcija ); u ukupnom iznosu od 20.000 KM

- SVRHA PROGRAMA:

Poticanje razvoja i unapređivanja/obogaćivanja turističke ponude Tuzlanskog kantona u smislu razvoja sadržaja, kroz turističko-kulturne, gastronomske i druge manifestacije kao jednog od motiva turističkih dolazaka, u cilju povećanja posjetilaca na području Tuzlanskog kantona i sa namjerom podrške promociji turističkih destinacija, raspoloživih resursa, tradicije, kulture i običaja čitavog područja Tuzlanskog kantona.

- KORISNICI SREDSTAVA:

Sredstva su namijenjena organizatorima turističko/kulturnih, gastronomskih i drugih oblika manifestacija i slično, - registrovanim pravnim i fizičkim licima kao i nevladinim organizacijama i udruženjima.

- *KRITERIJI ZA RASPODJELU SREDSTAVA:*

- Jasno definisani program projekta, sa opisom projekta, aktivnostima koje će se provoditi, očekivanim rezultatima, finansijskom konstrukcijom (finansijski plan);
- Step en samofinansiranja (vlastito učešće % ) ;
- Planirani broj učesnika
- Broj učesnika/posjetitelja u prethodnim godinama
- Oglašavanje događanja ( media plan )
- Potvrda/pismo namjere o važnosti programa/projekta za lokalnu zajednicu

### III.

Neophodna dokumentacija za učešće u Javnom pozivu

- **Obvezna dokumentacija za sve aplikante mora sadržavati:**

- Popunjen obrazac zahtjeva (**ovjeren pečatom i potpisan od strane ovlaštenog lica podnosioca zahtjeva**) ;
- Popunjen obrazac finansijskog plana (**ovjeren pečatom i potpisan od strane ovlaštenog lica podnosioca zahtjeva**) ;
- Izjava o realizaciji projekta (**ovjerena kod nadležne službe lokalne zajednice/općine/grada odnosno notarske službe**)
- Ugovor o otvorenom bankovnom računu;
- Dokaz o raspoloživim sredstvima, vlastito učešće (Izvod ili Potvrda)
- Potvrda ili ugovor o sufinsiranju projekta iz drugih izvora

Obaveznu dokumentaciju pravnih, fizičkih lica, udruženja i pojedinaca u zavisnosti od registracije podnosioca projekta, čine sljedeći dokumenti:

**a) Pravne i fizičke osobe registrirane za obavljanje djelatnosti iz oblasti turizma i ugostiteljstva:**

- Dokaz o registraciji nadležnog organa (rješenje o upisu u sudski registar za pravne osobe, rješenje nadležnog općinskog organa za fizičke osobe) - **ovjereno kod nadležne službe lokalne zajednice/općine/grada odnosno notarske službe;**
- Uvjerenja o poreznoj registraciji (identifikacijski broj: ID broj i PDV broj ukoliko su PDV obaveznici);- **ovjereno kod nadležne službe lokalne zajednice/općine/grada odnosno notarske službe**
- Uvjerenje o izmirenim poreznim obavezama, PIO/MIO, zdravstveno osiguranje - **ovjereno kod nadležne službe lokalne zajednice/općine/grada odnosno notarske službe**

**b) Udruženja registrirana na područja Tuzlanskog kantona:**

- Dokaz o registraciji nadležnog organa (rješenje Ministarstva pravde) - **ovjereno kod nadležne službe lokalne zajednice/općine/grada odnosno notarske službe**
- Rješenja o poreznoj registraciji (identifikacijski broj: ID broj)- **ovjereno kod nadležne službe lokalne zajednice/općine/grada odnosno notarske službe**
- Uvjerenje o izmirenim poreznim obavezama, PIO/MIO, zdravstveno osiguranje; **original ili ovjereno kod nadležne službe lokalne zajednice/općine odnosno notarske službe**

Udruženja koja nemaju zaposlenih, trebaju dostaviti izjavu da nemaju zaposlenih, i nemaju poreznih obveza, obveza prema MIO/PIO i zdravstvenom osiguranju **ovjereno kod nadležne službe lokalne zajednice/općine/grada odnosno notarske službe**

**Važne napomene:**

- Aplikant može konkurirati samo sa jednim projektom po Javnom pozivu
- U koverti može biti samo jedan projekat, ako ima više projekata u jednoj koverti aplikacija se odbacuje;
- Da bi aplikant ušao u konkurenciju za odabir na Javnom pozivu mora ispuniti pravno-formalne uslove;
- Svi dokumenti koji se predaju uz obrazac prijave projekta kao dokaz o ispunjavanju kriterija učešća iz ovog poziva, moraju biti originali ili ovjerene kopije, ne starije od šest mjeseci;
- Dokumenti koji se šalju na Javni poziv ne vraćaju se aplikantu;
- Sve promjene vezane za adresu sjedišta, telefonski broj, bankovni račun, aplikant je dužan prijaviti u roku od sedam dana;
- Pravo učešća na Javnom pozivu ostvaruju aplikanti registrirani na području Tuzlanskog kantona, odnosno koji imaju prijavljeno prebivalište na području Tuzlanskog kantona.
- Projekat mora sadržavati jasno definisane stavke ; Rok otpočinjenja projekta i rok završetka projekta.

## IV.

### ZAJEDNIČKE ODREDBE

#### **PRIHVATLJIVOST TROŠKOVA**

Sredstva podrške ne mogu se koristiti za:

- Troškove redovnog poslovanja podnositelja zahtjeva za podršku (plaće i ostala primanja zaposlenih, troškove prijevoza i putovanja, studijska putovanja, pokriće gubitaka, poreze i doprinose, kamate na kredite, carinske i uvozne takse ili bilo koje druge naknade)
- Izradu studije, elaborata, projektne i druge dokumentacije
- Najam i kupnju vozila,
- Troškove redovnog uredskog poslovanja
- Za sve druge troškove koji nisu vezani za realizaciju kandidiranog projekta i ciljeve programa

#### **NAČIN PODNOŠENJA ZAHTJEVA**

Turistička zajednica Tuzlanskog kantona objavljuje kandidiranje projekata za dodjelu sredstava podrške na službenoj web stranici Turističke zajednice Tuzlanskog kantona, web stranici Ministarstva trgovine, turizma i saobraćaja TK/Vlada te putem sredstava informisanja tv/radio/portal i dr.

Nosioci programa kandiduju projekte podnošenjem prijave projekta za dodjelu bespovratnih sredstava na propisanim obrascima i u prilogu dostavljaju traženu dokumentaciju original ili ovjerenu kopiju od strane nadležnog organa, i ne starija od 6 mjeseci od dana objave Javnog poziva na službenoj web stranici Turističke zajednice Tuzlanskog kantona.

Popunjeni propisani obrasci zajedno sa priložima koji se zahtjevaju Javnim pozivom dostavljaju se poštom preporučeno ili lično u zatvorenoj koverti na adresu:

**Turistička zajednica Tuzlanskog kantona**  
**„Prijava na Javni poziv – PROGRAM br.----“**  
**Ul Muftije ef. Kurta broj 1**  
**75000 TUZLA**

#### **ROK ZA PODNOŠENJE PRIJAVA**

Zahtjevi na osnovu objavljenog Javnog poziva se primaju do **18.10.2019. godine**

## **ZAHTJEVI KOJI SE NEĆE RAZMATRATI**

- Za one aplikante koji nisu opravdali dobivena sredstva od strane Turističke zajednice po prethodnim Javnim pozivima odnosno po bilom kom drugom kriteriju.
- S nepotpunim podacima i nepotpunom dokumentacijom;
- Koji se ne dostave u roku;
- Zahtjevi subjekata koji nisu izvršili ugovorne obaveze prema Turističkoj zajednici Tuzlanskog kantona / uplata boravišne taxe i članarine

## **RANGIRANJE PROJEKATA**

Sredstva će se odobravati projektima prema bodovnoj listi od najvećeg broja na niže, do krajnje raspodjele ukupnog iznosa proračunskih sredstava namjenjenih za ovaj program

## **ODOBRAVANJE PROJEKATA**

Voditelj Turističkog ureda Turističke zajednice Tuzlanskog kantona imenuje stručnu Komisiju za ocjenu ispunjavanja uslova i kriterija za dodjelu sredstava.

Komisija razmatra projekte zaprimljene na osnovu Javnog poziva, cijeni ispunjenost uslova i kriterija za odobravanje sredstava, te zapisnik s obrazloženom ocjenom i mišljenjem dostavlja Voditelju turističkog ureda.

Na osnovu prijedloga stručne komisije, Voditelj Turističkog ureda dostavlja prijedloge turističkom vijeću, a turističko vijeće donosi odluku o potvrđivanju Odluke komisije za ocjenu ispunjavanja uslova i kriterija za dodjelu sredstava.

Turističko vijeće Turističke zajednice Tuzlanskog kantona ovlašćuje Voditelja da sa ovlaštenim licima po odobrenim projekatima odnosno korisnicima sredstava zaključuje ugovore o međusobnim pravima i obavezama, nadzoru namjenskog korištenja sredstava, i dr obvezama korisnika.

## **ROK ZA DONOŠENJE ODLUKE**

Odluka o odabiru programa i dodjeli bespovratnih sredstava donijeti će se najkasnije u roku od 30 dana od datuma zatvaranja Javnog poziva.

## **OBJAVA POPISA KORISNIKA**

Popis korisnika i namjena dodjeljenih sredstava po korisniku biti će objavljen na web stranici Turističke zajednice Tuzlanskog kantona ( [www.tourism-tk.ba](http://www.tourism-tk.ba) ) u roku od 15 dana od dana donošenja odluke o odabiru projekata i dodjeli bespovratnih sredstava.

## **ROK ZA POTPISIVANJE UGOVORA**

Turistička zajednica Tuzlanskog kantona će sa odabranim korisnicima potpisati ugovor najkasnije u roku od 20 dana od dana objave rezultata.

## NAČIN ISPLATE SREDSTAVA

Isplatu sredstava vrši Turistička zajednica Tuzlanskog kantona. Dinamika isplate sredstava ovisit će od raspoloživih sredstava Turističke zajednice Tuzlanskog kantona.

## NADZOR

Nadzor i provjeru programskog utroška sredstava vrši stručna komisija Turističke zajednice Tuzlanskog kantona, putem pisanog izvještaja s pratećom dokumentacijom (dokazima o korištenju sredstava) koje korisnik sredstava u ugovorenom roku dostavlja Turističkoj zajednici Tuzlanskog kantona, kao i uvidom na licu mjesta kod korisnika sredstava kod kojeg ocijeni da je potrebno izvršiti nadzor. U slučaju objektivno utvrđenih okolnosti koje su uticale na nemogućnost ispunjenja obaveza koje proizlaze iz ovog Programa i koje su utvrđene Ugovorom, korisnik sredstava je dužan odmah o tome obavjestiti Turističku zajednicu Tuzlanskog kantona u pismenoj formi.

## OBAVEZE KORISNIKA SREDSTAVA

- Bespovratna sredstva iskoristiti namjenski u zadatom roku navedenom u projektu.
- Turističkoj zajednici Tuzlanskog kantona u roku od 15 dana od završetka projekta dostaviti finansijski i narativni izvještaj o korištenju bespovratnih sredstava s pratećom dokumentacijom koja potvrđuje navode u izvještaju.
- Na zahtjev Turističke zajednice Tuzlanskog kantona pružiti na uvid i dodatnu naknadno traženu dokumentaciju

## ZAVRŠNE ODREDBE

**Vremenski rok u kome se trebaju implementirati odobreni projekti obuhvata period poslednjeg kvartala 2019 godine te prvo polugodište 2020 godine zaključno sa 30.06.2020 godine, kako bi isti bili u funkciji ostvarenja što boljih rezultata tokom zimske i ljetne turističke sezone na području Tuzlanskog kantona (2019/2020).**

U toku provođenja programa Turistička zajednica zadržava pravo njegove izmjene i dopune posebno za pojedine projekte, ako to ocijeni potrebnim, zbog njegove prirode, što će definirati u Ugovoru o korištenju bespovratnih sredstava. Sve dodatne informacije vezane za Javni poziv, mogu se dobiti svakim radnim danom, od 13-15 sati, putem [e-mail: turzajtk@bih.net.ba](mailto:turzajtk@bih.net.ba) i brojeva telefona 035 228 800 ; 035 228 799.

Broj: 02-531-2-1/19  
Tuzla 03.10.2019.godine

*Turistička zajednica Tuzlanskog kantona  
Voditelj turističkog ureda  
Miralem Mešković*